

նոյն նահատակաց կառուցուած է այս աննման յիշատակարանը : Այսպիսի պարագայ մը աննախընթաց չէ Ս. Երկրին մէջ :

1925 ին ալ, այս հայկական մոզայիքին մօտերը գտնուած է հայկազն Մօրիկ կայսեր, Արապիտոս ծնած քրոջը՝ Անատոլիայի գերեզմանը՝ յուշարէն արձանադրութեամբ և մոզայիքով գեղազարդուած(*) : Այս վերջին գիւտն ալ կ'ապացուցանէ թէ Ս. Պոզիկոսի վանքին մօտ կը թաղուէին Մելիտինէի և շրջակայից այն ուխտաւորները որ կը վախճանէին Երուսաղէմի մէջ :



Ժ Ե

Գ Ա Զ Ա Ի Ո Ն Կ Ա Մ Ս Ա Ր Ա Կ Ա Ն Ի Վ Ա Ն Ք Ը Ե Ր Ո Ւ Ս Ա Ղ Է Մ Ի Մ Է Զ

Կը փափաքինք զրի առնուլ խորագրովս նշանակուած հայկական վանքի մը պատմականութիւնը Երուսաղէմի մէջ. ան կը գտնուէր Ս. Յարութեան Տաճարին մօտ, ինչպէս կը հաստատէ Անաստաս վրդ. իր Հայ Վանօրէից Յուցակին մէջ. «Գազառնի վանիկն որ յանուն սուրբ Հովնիսիմիի և Գայիանիի ի սեռ փառափն՝ դրանն Յարութեան» : Այս յիշատակութենէն զատ, գժբախտաբար ո՛րեւէ տեղեկութիւն չունիմք անոր մասին. բայց այս յիշատակարանը, ինչպէս անոր կիսաւեր շէնքը արդէն կը հաստատեն նոյն վանքին գոյութիւնը :

Որպէս զի կարենամք նոյն վանքին տեղը ճշգեւ, հարկ կ'ըլլայ բացատրել Անաստաս վրդ. ի վերոգրեալ փոքր յիշատակարանը. ան կ'ուզէ ըսել թէ Գազառնի Ս. Հովնիսիմիի և Գայիանիի անուամբ կառուցուած հայկական վանքը՝ քաղաքին ներքին կողմն էր, և կը գտնուէր Ս. Յարութեան Տաճարին դրան

(*) Տե՛ս ԱՐԵԻ 1926. Թ. 2164, մեր յօդուածը Հայկազն Մօրիկ կայսեր քոյր գերեզմանը Երուսաղէմայ մէջ խորագրով :